

Go'qoli'gwe' Aqq Gulmgei 'Sgilmin





Ula na go'qoli'gwe'j aqq ugtgo'qoli'gwe'ji'jmg.
Newte'jgeg na'gwe'g ge's alta'tij gujmug, na
we'jitu'tij gulmgei 'sgilmin. Na go'qoli'gwej
wesua'toq ula 'sgilmin aqq angunte'g
maqamigeg. Esgmatmi'tij 'pqojigwen.



Glapis poqjigweg gulmg. Gesigawigweg.
Go'qoli'gwej wetme'g. Angweiwaji
ugtgo'qoli'gwe'ji'jmg. Mu wenn
we'jiagul ta'n apoqonmagutal.
Pipanimaji witapa.



'Nmu'j telimatl, "Moqwa', ma' gisiapoqonmulu."
Gulgwi's telimatl, "Moqwa', ma'
gisiapoqonmulu." Elg gajuewj telimatl,
"Elg ni'n ma' gisiapoqonmulu."



Glapis gatu gislateg ula gulmg.
Ne'gaw welsamuqwana'toq.
Go'qoli'gwej teluet, "Etna glugt'tew
pipnaqan gisitu."



Go'qoli'gwej teluet, "Etug wen apoqonmuitew
mena'taqatm ula gulmg?" 'Lpa 'ms't witapa
mu getu'apoqonmagugwi.



Na newtugwa'lugwet mena'taqatg.
Mu wen apoqonmuagul.
Pas'g angama'titl go'qoli'gwejl.



Go'qoli'gwej eliet muling. Newtugwa'lugwet.
Mu wen getu'apoqonmuagul. Ela'toq gulmg.
Na'te'l tlugwa'gittuaten.



Go'qo'li'gwej pegising. Muling wejiet.
Pegisitoqol wape'jgl. Teluet, "Wen
getu'apoqonmuit epipnei?"




'Lpa mu wen nutuagul Go'qoli'gwejl.
Na negm epipnet. Newtugwa'lugwet.
Gelu'lg pipnaqan gisitoq.



Go'qoli'gwe'ji'jg getu'apoqonmua'titl
uggwijual. Gatu 'ms't witapa pas'g
angama'titl go'qoli'gwejl elugwenij.



Go'qoli'gwej teluet, "Wen getutg pipnaqan?"
Go'qoli'gwej witapa wenaqia'tinniji. Gulgwi's
teluet, "Ni'n." 'Nmu'j teluet, "Ni'n." Aqq gajuwej
teluet, "Ni'n."



Go'qoli'gwej telimaji witapa. "Moqwa".
Mu esmuluoq gilew. Mu getu'apoqonmuigup
wen. Pas'g ni'n aqq nnjanji'jg maqutesnen
ula pipnaqan. Gilew gisiangamitesnen.

